

ՀՈՂԻ ԻԾԽԱՆՈՒԹԻՒՆԸ

ՐԿԱԳ ԳԼԷԲ ՈՒՍՊԵՆՍԿՈՒ

ՅԵՐԻՍՆԴ ԴԱԶԱՐԵԱՆԻ

I

Ռուս երեսկի ժողովրդագէտ Գլէբ Ուսպէնսկին, իւր նշանաւոր չարագրութեան մէջ՝ Вѣсть земля, գիւղացու բնաւորութիւնը, նորա բարոյական հասկացողութիւնները և զգացմունքները կապում է հողի հետ, հողի ազդեցութեան, «իշխանութեան» հետ։ Գիւղացու ամբողջ կեանքը կլանւած է երկրագործական աշխատանքով։ Նա իւր կեանքի նպատակը, իւր կեանքի ամենարարձր երջանկութիւնը գտնում է այդ աշխատանքի, այդ երկրագործութեան մէջ։ «Այսպէսով—ասում է Ուսպէնսկի—երկրագործ գիւղացու ամեն մի քալլը, ամեն մի մտածմունքը կախւած է հողից։ Նա ամբողջովին գերի է այդ հողի, այդ կանաչ խոտի ձեռքում։ Նորա համար ալնքան դժուար, ալնքան ծանր է հողի իշխանութիւնից ազատւելը, հողի ցոլց տւած ճանապարհից չեղւելը, որ երբ գիւղացուն հարցնում են թէ՛ որն ևս ուղում՝ ծնծ ուտել, թէ՛ բանտը նստել,—նա անշուշտ կը նախադասէ ծնծ ուտելը, որպէս զի շուտով աղատւի, շուտով դնա իւր գործին, և թէ՛ ոչ նրա տէրը և իշխանը»—հողը, նրան չի սպասիլ՝ հարկաւոր է քաղել, հարկաւոր է անասուններին խոտ պատրաստել։ Իսկ այդ անասունները «հարկաւոր են» երկրին, հողին։ Գտանւելով հողի մշտական ազդեցութեան տակ, տանելով հողի մշտական ազդեցութիւնը, տանելով իւր ուսերի վրա հողի րազմաթիւ պիտուքները, բաշմաթիւ նեղութիւնները և հոգսերը, գիւղացին զգում է, որ ինքը մենակ, ինքնուրոյն կերպով անկարող կը լինէր կատարել այդ ամենը՝ և թէ՛ նրան իւրաքանչիւր բոլորէ չը հրամայէր հողը, իւրաքանչիւր վաւրկեան չիլիւէր, չը կառաւարէր նրա բոլոր գործերը և մտածմունքները։ Հողի մշտական իշխանութիւնը և ճնշումը անհամեմատ թեթեւացնում է երկրագործի համար նորա աշխատանքը և

ալդ պատճառով երկրագործ գիւղացիին ամենալն իրաւամբ կարող է ասել՝ որ Նրան «սիրում է մալր հողը»:

Ահա ալդ հողի «խիւանութիւնը», որ գիւղացու բերանում փոխւում է «սէր» խօսքի, հողի ալդ ճակասագրական ազդեցութիւնը կազմակերպում է միլիօնաւոր մարդոց՝ երկրագործ ամբոխի բարոյական աշխարհը, նրա հողեկան կեանքը, նրա մտածելու, զգալու բոլոր կարողութիւնները, նրա բարձրագոյն գիւղացիների ամբողջ կեանքը, նրանց թէ ընտանեկան և թէ հասարակական բոլոր կենդանու և բարդ շարաբերութիւնները հողի ազդեցութեան տակ՝ ստանում են որոշ գոյն, որոշ բնաւորութիւն. երկրագործական պարապմունքը, հողի և առհասարակ բնութեան ոլժերի հետ ունեցած մշտական մոտիկ, անմիջական շարաբերութիւնը տալիս է գիւղացու հոգեկան ոլժերին, ընդունակութիւններին մի առանձին, որոշ, սպեցիֆիկական լատկութիւն, որով նա, ալդ գիւղացին, բաժանւում, ղատւում է հասարակական միւս դասակարգերից՝ վաճառականներից, արհեստաւորներից, չինովնիկներից և ինտելիգենցիալից:

Ինչո՞ւն է կապւում գիւղացու բնաւորութեան ալդ առանձին աչքի ընկնող լատկութիւնը, ինչ հոգեբանական փոփոխութիւն է մտցնում հողի խիւանութիւնը գիւղացու ներքին բարոյական աշխարհում:

II

Գլէք Ուսպէնսկին, որ ալնքան սիրււ ու հմտութեամբ ուսումնասիրում է ռուս ժողովրդի կեանքը, նորա հոգեկան աշխարհը, որ ալնպիսի մեծ հանճարով լուսաւորում, պարզում է մեր առաջ ժողովրդի ստորին խաւերի մութ անկիւնները—ալս խնդրում նոյնպէս իւր սովորական գիտելու, ուսումնասիրելու եղանակով՝ կարողանում է ճիշդ և հասկանալի եղբայրացութիւններ տալ մեզ: Նորա ամբողջ շարադրութեան (Вѣсть оемѣ) գլխաւոր նպատակն է պարզել թէ ալդ ինչ անհասկանալի և անըմբռնելի «ոլժ» է, որ ռուս ժողովրդականները գտնում են իրանց գիւղացու մէջ, ալդ ինչ ներքին հոգեկան մեծ կարողութիւն է, որ պաշտպանել է ռուս գիւղացուն պատմական շատ փոթորիկների ազդեցութիւնից, որ աղատել է նրան թաթարների օրդաններից և գերմանական բիւրօկրատիալից, Ռուս ժողովրդականների կարծիքով՝ ալդ «ոլժը», ալդ առանձին հոգեկան կորովը, որ նկատւում է իրանց երկրագործ մուժիկների մէջ, մի ալնպիսի առանձնահոգեւորութիւն է, որով կարող է պարծենալ միալն ռուս գիւղացին, և որ կաղմում է ռուս գիւղացու միակ լատկանիւ սեպհակտնութիւնը: Նրանք ոգևորում, հիւանում էին իրանց ժողովրդի ալդ հոգեկան մեծ հարստութիւնով, նրանք երկրպագում էին ալդ «ճերքին», «աներկով» «աւտուածալին» ոլժի առաջ, որ նրանց կարծիքով, հիմքն է ողոսաց կեանքի չառաջագրմութեան, որ տանելու է ռուսներին ղէպի լուսաւորու-

թեան և լառաջադիտութեան «առետեաց երկիրը»... Սակալն ափսոս, որ ալդ անկեղծ ժողովրդասէր մարդիկ բաւականաճում էին միայն անորոշ խօսքերով և բացականչութիւններով, նրանք գիտէին լոկ ողևորեն, սքանչանալ վերացական, անհասկանալի ենթադրութիւններով... Գլէր Ուսպէնսկի, որ թէ անկեղծութեան և թէ նոյն իսկ ողևորութեան կողմից ոչինչով պակաս չէ ալդ վերադիշալ ժողովրդասէրներէր, — ունի նաև մեծ տրեստեսական գիտութիւն, գիտող, ուսումնասիրող խելք և խորը թափանցող, դրական տաղանդ, Շնորհիւ ալս անձնական չտակութիւններէ՛ր՝ նա կարողացաւ ալդ հարցին տալ խելացի և ճիշտ բացատրութիւն: Ուսպէնսկու ամենապիտաւոր և անհրաքելի տեսակէտը ալն է, որ ժողովրդին ճանաչելու, նրա հոգեկան աշխարհը ուսումնասիրելու համար՝ անհրաժեշտ է «մտնել ալդ ժողովրդի կեանքը», թափանցել դիւզացու խրճիթի մէջ և ալնտեղ տեսնել և զգալ նորա կեանքը իւր բոլոր հիմնական պարզութեամբ, Հաւատարիմ մնալով իւր ալս ընդունած տեսակէտին՝ նա իւր ամբողջ տաղանդը և գիտութիւնը ծառայեցրեց և ծառայեցնում է ժողովրդի կեանքի դրական ուսումնասիրութեանը, ամբողջ էութիւնով նա տրեցաւ ժողովրդին և իւր գրչի միակ և անհրաժեշտ նիւթը դարձրեց ուսւ ժողովրդի կեանքը, նորա թէ ընտանեկան և թէ հասարակական բոլոր մանրամասն նրնութները... Ապրելով ժողովրդի մէջ, շարունակ և անդադար դիտելով նորա կեանքը, նորա թէ հոգեկան և թէ տնտեսական հանգամանքներն ու երևութները՝ Ուսպէնսկին բազմաթիւ պատկերներով, բաղմաթիւ մանր ու խոշոր լօղածներով նեղեղում է ուսւ լառաջադէմ մամուլը, որտեղ նա միշտ և անդադար խօսում, մտածում է գիւզացու մասին, նորա աշխատանքի, նորա ապրուստի մասին: Իւր ամբողջ հողով Ուսպէնսկին մտել է ժողովրդի կաշու մէջ, իւր ամբողջ տաղանդով նա աշխատում է լուսաւորել ալդ ժողովրդի կեանքը, լուսաւորել ոչ թէ իրան, ժողովրդի համար, ալ ընթերցողներին համար, հասարակութեան ալն բարձր դասակարգի համար, որի աչքերից միշտ խուսափել, միշտ ծածկել է ժողովուրդը, որի համար «դիւզացի», «ժողովուրդ», «մուժիկ» և ալ խօսքերը անորոշ, անպալտ և անբացատրելի հասկացողութիւններ էին ներկայացնում: Ինչս ինտելիգէնցիան ապրելով Պետերբուրգում, չրջապատւած քաղաքակրթութեան բոլոր լարմարութիւններով՝ երբեմն հանդիսաւոր տօներին և խնճուքներին ժամանակ, կամ թէ չէ հասարակական պիտոյքներով ողևորւած՝ սկսում էր արտասանել ժողովուրդ և մուժիկ խօսքերը, տալով ալդ խօսքերին խորը, կարևոր նշանակութիւն: Ինչս ինտելիգէնցիան ալդ բարձր ողևորութեան րուպէներում սիրում էր մտաբերել ալն «ոլժը», ալն մեծ «տոկունութիւնը», որով գիւզացին տանում է կեանքի բոլոր նեղութիւնները և փորձանքները, որով ժողովուրդը «ապրում է» և պաշտպանում է մտքի և զգացմունքների մշտական թարմութիւնը... Բայց թէ ինչո՞ւն է կալանում ալդ «ոլժը», ալդ «տոկունութիւնը» լինչպէս է առաջացել նա ժողովրդի մէջ, ինչ պայմանով

և օրէնքներով պաշտպանւում է ալիքան երկար պատմական ժամանակների ընթացքում—ալիք մասին շատ քիչերն էին մտածում, ալիք մասին աւելորդ էր համարւում անգամ մտածել...

Երկարատեւ ուսումնասիրութիւններից ու դիտողութիւններից լետով Ուսպէնսկին ճշմայէս համոզւեց, որ իրաւ ռուս ժողովրդի մէջ կալ մի ուլ, կալ մի անբաղթելի տոկոճութիւն, որով ալիք ժողովուրդը զանազանւում է յիւս զասակարգերից, որով ռուս գիւղացին անեկարադրելի համբերութեամբ կուում է բոլոր կենսական զառնութիւնների, բոլոր արգելքների ու անբաղթութիւնների զէմ: Համոզւելով ալիք լաճում, Ուսպէնսկի շարունակեց իւր դիտողութիւնները, իւր տնտեսական և հոգեբանական ուսումնասիրութիւնները ժողովրդի մէջ՝ որպէս զի պարզ զազափար կազմէ ալիք «ոլի» մասին և, որպէս զի «գտնի» ճորա առաջանալու, զարգանալու, կազմակերպւելու պատճառները, օրէնքները: Այս դիտողութիւնների մէջ նա բոլորովին նման է մի ուսումնական բճազէտի, որ գիտելով, նկատելով բնութեան մէջ մի երեւոյթ, իսկոյն աշխատում է հասկանալ ալիք երեւոյթի էութիւնը, իսկոյն սկսում է քննել և բացատրել նրան առաջացող բնական և ընդհանուր պատճառները:

III

Նախ մեզ անհրաժեշտ է բացատրել թէ ինչ լաճ է ոլիք, տոկոճութիւնը կեանքի մէջ, թէ ինչպէս սլտա է հասկանալ ալիք խօսքերը ժողովրդի, զի զացու վերաբերութեամբ: Նասկած չը կալ, որ ոլիք ասելով՝ ալստեղ պէտք է հասկանալ բարոյական ոլիք, աոկոթիւն, աոկոճութիւն, կեանքի մէջ բարոյապէս ուժեղ կամ աոկոճ կոչւում են ալիք մարդիկ կամ ալիք բնաւորութիւնները, որոնց մէջ բոլոր թէ բարոյական և թէ մաւաւոր հասկացողութիւնները կազմում են մի ընդհանուր ներդաշնակ ամբողջութիւն, որոնց հոգեկան աշխարհը ազատ է ներքին հակասութիւններից, ներքին տարակուսանքներից, կասկածներից ու երկբաւութիւններից: Եւր մարդու խղճի և զգացմունքների ձալնը ներդաշնակ են գործում, երբ նրա մտքի, զատողութեան հսկողութիւնը անպալման հաստատում, ամբացնում է ալիք ներդաշնակութիւնը՝ ալիք ժամանակ մարդը զառնում է բարոյապէս մի անխորտակելի էակ, ալիք ժամանակ նրա բոլոր գործերը, մտածմունքները և զգացմունքները կը կատարեն խիստ կանոնաւոր, ճիշտ և անբաժան միաւորութեամբ: Ալիք տեսակ մարդը կամ բնաւորութիւնը կոչւում է ուժեղ մարդ, ուժեղ բնաւորութիւն: Ուժեղ ալիք մտքով, որ կեանքի մէջ նա միշտ կը դճալ իւր ճանապարհով: Կեանքի՝ բոլոր արգելքները, բոլոր խոչնդոտները կը փչւեն, կոչնչանան նրա զօրեղ և լուզած բնաւորութեան առաջ: Այսպիսի մի զօրեղ և ներդաշնակ բնաւորութիւն (гармоничная натура) էլ: Ուսպէնսկին ջոլց է տալիս մեզ իւր (Парамоны

ЮРОДИВЫЙ՝ անունով փոքրիկ գրաժքում, ալսպլախ բնաւորութիւն նա ղիտում և նկատում է նոյնպէս և բոլոր ոռւս գիւղացիներին մէջ՝ Ուսպէնսկին շարունակ դուրս է բերում ոռւս գիւղացու ալք բնաւորութիւնը, նրա հոգեկան կեանքի ներդաշնակութիւնը, հարմոնիան, նրա թէ բարոյական և թէ տնտեսական համոզմունքների անլոզողղէ ամբողջութիւնը, ուժեղութիւնը, Ռուս գիւղացին Ուսպէնսկու կարծիքով՝ նրա ղիտողութիւնների և նկարագրութիւնների համաձայն, բարձր է բոլոր միւս հասարակական դասակարգերից՝ մինչև անգամ ինտելիգենցիալից ոչ թէ իւր խելքով, — ղիտութիւններից ղուրկ է «խաւար» ռամիկը — ալ նա բարձր է իւր բնաւորութեան պարզութիւնով, իւր հոգեկան ներդաշնակութիւնով, իւր կիանքի ընդհանուր անկեղծ և ճշմարիտ ողով, որին, ալք ճշմարտութիւնը, Ուսպէնսկին անւանում է ПРАВДА (ոչ СПРАВЕДЛИВОСТЬ)։ Ան ոռւս գիւղացու կեանքի ալք ճշմարտութիւնը, ալք ПРАВДА-ն է, որ կազմում է նորա բարոյական ուժը, նորա գոյութեան հաստատուն և ամուր հիմքը, նորա միակ և ամենապինդ նեցուկը՝ աշխարհիւ բոլոր դառնութիւնների, վատնդների մէջ... «Մեղանում — ասում է Ուսպէնսկի»։ — միլիոնաւոր ամբողջ ապրում է առանց կեղծիքի, առանց ինքնախաբէութեան, ահա մեր լոյսը, մեր ապաւէնը։ Ալս մշտական և անփոփոխ լատկութիւնը, որ շարունակ երկար տարիների ընթացքում պահպանել է իւր մէջ ոռւս ժողովուրդը՝ կարող է ծառաել, որպէս գրական՝ ապագալ լառաջադիմութեան համար, կարող է ճշմարիտ մխիթարել և ոգեորել ամեն մի անկեղծ ժողովրդական մարդու... Մատնացոյց անելով ալս լատկութեան վրա՝ Ուսպէնսկին ամուր շնչում է, որ ահա ալք է ոռւս ժողովրդականների կարծեղեալ, երեակալական, անորոշ և անըմբռնելի «ոլժը», «կորովը», որ գտանւում է իրանց ժողովրդի, իրանց երկրագործ մուժիկի մէջ։ Ալք ուժը հիմալ պարզ է մեղ համար, հիմալ մեղ հասկանում ենք նորա էութիւնը, հիմալ կարելի է նրան «մատով ցոյց տալ» — ասում է Ուսպէնսկին։

Ըմբռնելով և բացատրելով գիւղացու կեանքի «ուժը», մանրամասն ցոյց տալով ալք ուժի բոլոր արտալատկութիւնները կեանքի մէջ՝ Ուսպէնսկին դարձեալ չի կանդնում ալք կէտի վրալ, դարձեալ շարունակում է իւր ղիտողութիւնները, որպէս ղի հասկանալ և բացատրել թէ ինչպէս և ինչ պայմաններով է առաջացել գիւղացու ալք ուժը, ինչ բանի հետ է կապւած նորա բարոյական ալք մեծ և ղարմանալի տոկունութիւնը։

Դարձեալ սկսում է կեանքի մէջ խորասուզել Ուսպէնսկին, դարձեալ ուղղում է իւր խոր հոգեբանական և տնտեսական ղիտողութիւնները գիւղացու վրալ... Նա ալք բոլոր հետաղատկութիւնների, ուսումնասիրութիւնների հետեանքը եղաւ ալն երեելի գրաժքը, որի անունն է Власть земли («Հողի իշխանութիւնը») և որի մէջ, նոյն իսկ վերնաղրից սկսած՝ խօսում է հողի իշխանութեան, հողի աղղեցութեան, երկրագործական աշխատանքի և գիւղացու մասին։ Ալք շարաղրութեան մէջ՝ Ուսպէնսկին ղարմանալի խորը ղի-

տողութիւններով, ապշեցնող համեմատութիւններով և օրինակներով՝ բացա-
 արում է՝ թէ ինչպէս հողի և առհասարակ երկրագործական աշխատանքի
 ազդեցութեան տակ՝ ամրացել, կազմակերպւել և ինքն ըստ ինքն աշխ-
 աղւնացել է գիւղացու կեանքը. նորա բարոյական աշխարհը: Գիւղացու
 հոգեկան բոլոր ուժերը, նորա բարոյական հաստատ և անվրդով համոզ-
 մունքները, նորա բոլոր գաղափարների և զգացմունքների սաստիկ ան-
 կեղծ ճշմարտութիւնը հետևանք են նորա երկրագործական պա-
 րագմունքի, նորա մշտական լարաբերութեան՝ հողի և բնութեան միա-
 տարբերի հետ... եւ անա թէ ինչպէս: Գիւղացին իւր ամբողջ կեանքում
 գործ է ունենում հողի, ջրի, անձրևի, քամու, ամպի, կալծակի, մէկ խոս-
 քով բնական ուժերի և երեւոթների հետ. նորա անտեսական կեանքի,
 նորա երջանկութեան և անբաղտութեան, ուրախութեան և մշտի զխաւոր
 ֆակտորները՝ ալդ բնական ուժերը, ալդ երեւոթներն են. Նրկրա-
 գործութիւնը. որ գիւղացու բոլոր զբաղմունքների և հոգսերի կենդրոնն է,
 լիովին կապւած է բնութեան հետ. բնութեան ուժերը, երեւոթները և ան-
 փոփոխ մշտական օրէնքները ալստեղ կատարում են ամենապլխաւոր, ճա-
 կատագրական դերը գիւղացու. կեանքում. իւր ամբողջ երկրագործական
 աշխատանքի սէզնունտ գիւղացին ստիպւած է դիտել նրանում կատարուող
 ամենահասարակ և չնչին փոփոխութիւնները և երեւոթներն անզամ. Բնու-
 թեան մէջ կատարուող ալն բոլոր փոփոխութիւնները՝ օրինակ՝ զարնա-
 րացւելը, ձիւնի շուտ կամ ուշ հալւելը, անձրևալին եղանակները, քամի-
 ների ցուրտ կամ տաք լինելը, հողի մէջ երեցած կենդանիների, բոլսերի
 ղանաղան իւրանդութիւնները և ալն և ալն՝—որոնք համարալ բալորովին
 աննկատելի, կամ անհետաքրքիր են քաղաքացու համար,—գիւղացու կեան-
 քում նշանաւոր, աչքի ընկնող և կարևոր հանգամանքներ են կաղմում.
 Ո՛րքան ուրախութիւն, վիշտ, տրտմութիւն են պատճառում գիւղացուն
 ալդ երեւոթները, որքան չուեր, ցանկութիւններ և իղձեր են պարունա-
 կում երկրագործի համար բնութեան ալդ հասարակ և սովորական խա-
 դերը, կապրիղները... Սկսած իւր աշխատութեան առաջի օրից, երբ գիւ-
 ղացին դուրս է քշում գոմից իւր եղները և սկսում է վարել առաջին
 գործողութիւնը, մինչև իւր աշխատանքի վերջին պտուղների ստանալը,
 նա ամբողջ հոգով մտած—խորասուզւած է բնութեան մէջ, ամբողջ էու-
 թիւնով թափանցած է նորա խորը և «անքննելի» օրէնքների երեւոթների
 մէջ... Իւրաքանչիւր սմպի կտորը, իւրաքանչիւր անձրևի կաթիլը, արևի
 իւրաքանչիւր ճառագայթը, քամու փչիլը, կալծակի փալլելը... խորը հո-
 ղեկան լուղմունքներ են պատճառում գիւղացուն, նրան երբեմն ուրախաց-
 նում, ցնծութիւն են պարգևում, երբեմն չսասանատեցնում, տրտմեցնում,
 վշտահար են անում նրան, իւր ալդ բոլորը կատարում է ամեն օր, ամեն
 րոպէ. ալդ զգացմունքներով, ալդ հոգսերով և մտածմունքներով «ալորում
 է» գիւղացին իւր աշխատութեան բոլոր ընթացքում.

Բաւական չէ, որ գիւղացիին ինքը աշխատում, արեան քրտինք է թափում, բաւական չէ, որ նա չի խնայում ալի աշխատանքի վերայ օչ ութ, ոչ առողջութիւն, ոչ կեանք... ալգ բոլորը բաւական չէ. հարկաւոր է, որ նորա աշխատանքը «ծլի», արդիւնք տալ երկրի երեսին, հարկաւոր է, որ իւր վարած, փորփրած, ցանած և պահած հողը բուսցնէ նորա ցորենի հասիկները:

Իսկ ալի «բուսցնելը» արդէն կախած չէ գիւղացուց, ալի բանում գիւղացին անգոր է, ստրուկ է բնութեան ձեռքում: Եւ ահա, իւր դաշտալին բոլոր պարտականութիւնները սրբութեամբ կատարելով, իւր աշխատանքի և հարստութեան վերջին կաթիլը լանձնելով հողին, նա, ալի բաղմաշարչար երկրագործը, ընկնում է ծնկներին վրայ և սկսում է աղօթել Աստուծուն՝

«Յոյս ահա, ոտքիդ տակին փռածէ:

Քս սուրբ Աջը սրա վրայ տարածիր»:

IV

Ենք տեսանք, որ երկրագործութիւնը ստիպում է գիւղացուն ուսումնասիրել բնութեան ուժերը, ստիպում է նրան չատ մօտիկ հոգեկան շարաբերութիւնների մէջ մտնել ալի անշունչ, անխօս-անլեզու բնութեան հետ: Տեսանք, որ գիւղացու կեանքի երջանկութեան, կամ թշուառութեան, ուրախութեան կամ տխրութեան միակ և ամենաճիշտ բարօմէտը դարձեալ ալի բնութիւնն է, դարձեալ նրա զանազակերպ ուժերի փոփոխութիւններն ու երևութներն են: Վտանկելով բնութեան հետ ալիքան քնքով հոգեկան շարաբերութիւնների մէջ, իւրաքանչիւր օր զգալով իւր վերաջ ալի բնութեան տարրերի՝ կամ ուրախացնող կամ տխրեցնող ազդեցութիւնը, գիւղացին ալիս ամենալին՝ ներքուստ, հոգեպէս համոզւած է, որ բնութիւնը, նրա ուժերը և օրէնքները միշտ արդար, միշտ ճշմարիտ, միշտ աղնիւ և անխաբուսիկ են նորա համար. նա համոզւած է, որ իւր ցանած և փայտալած արտը «չի պահելու» իւր մէջ ցորենի և դարու հատիկները, համոզւած է, որ երկինքը անշուշա կը «պարդէ», նրան թէ անձրև, թէ լոյս և թէ ջերմութիւն... Ալի բաներում նա իւր կերպով համոզւած է. նա համոզւած է նոյնպէս որ եթէ իւր ցանքը բարեկաշտ լինի, ալիինքն, եթէ չը պատահի որ և է դժբաղստութիւն.—կարկուտ, երաշտութիւն, մորեխ (որոնք գիւղացու կարծիքով՝ դարձեալ բնութիւնից, Աստուծուց են զալիս, որպէս արդար պատիժ նորա «մեղքերի» համար...) և ուրիշ անսպասելի վտանգ՝—ալի ժամանակ նա կը ստանալ իւր արդար աշխատանքի պտուղները, նա առատ հունձ կունենալ, որ կը նշանակէ՝ գիւղացու մի տարուայ կեանքը ապահովւած է, որ նա միջոց կունենալ ձմեռը հանգիստ և ուրախ լինել, միջոց կունենալ անձնատուր լինել հոգեկան բաւականութիւնների:

հարսանիք անելու, իւր բարեկամներին հփարստիւրելու, քահանային «ժամոց» սալու, երեխային պատշաճաւոր կերպով մկրտելու և այլն և այլն:

Այսպիսով գիւղացու հունձքի աջողակը, որ կապւած է բնութեան ասարքեր ուժերի և երեւոյթների հետ, պայմանաւորում է նրա կեանքի մի շարք տնտեսական և հոգեկան չարմարութիւնները, վալելքները, իսկ այդ տնտեսական և հոգեկան չարմարութիւնները և վալելքները՝ կախւած լինելով հունձքի չափողակուց՝ միևնույն ժամանակ՝ խիստ կերպով միացած են և այն բնական ուժերի, երեւոյթների ու օրէնքների՝ հետ, որոնք առաջացնում են գիւղացու համար առատ հունձք, որոնք բուսցնում, զարգացնում և հասցնում են նրա արտը, նրա ցորենի և դարու հասկերը...

Գիւղացու և բնութեան մէջ եղած այս անխզելի տնտեսական և հոգեկան կապը, ունենում է իւր խոր, անջնջելի ճակատագրական ազդեցութիւնը գիւղացու վրայ, նրա թէ ֆիզիքական և թէ մանաւանդ հոգեկան ուժերի վերայ: Ապրելով միշտ բնութեան հետ, նրա գրկում, գիտելով, ուսումնասիրելով և ղգալով բնութեան անփոփոխ, չափաւանական, խելացի և արդար օրէնքները, որոնք միշտ գործում են միևնույն կանոնաւորութիւնով, միևնույն ճշգրտութեամբ՝ առանց խոտորւելու, չեղելու իրանց բնական, սահմանւած ընթացքից՝ գիւղացին բոլորովին ակամայ ենթարկւում է այդ օրէնքների և ուժերի ազդեցութեանը, ակամայ նորա խելքը և զգացմունքները ստանում են նույն ճշմարիտ, կանոնաւոր, խելացի և անկեղծ ուղղութիւնը, ինչ որ մեք նշմարում ենք բնութեան մէջ, նորա ուժերի և օրէնքների մէջ: Բնութիւնը կրթում, դաստիարակում է գիւղացուն: Սակայն այդ կրթւելու, դաստիարակելու գործողութիւնը կատարւում է բոլորովին անկախ գիւղացու ցանկութիւնից. նա ինքը ամենևին հասկացողութիւն, գաղափար էլ չունի այդ կրթութեան մասին. բնութեան, ճշմարիտ և խիստ ուժերը, օրէնքները, երեւոյթները ներշնչում են գիւղացուն՝ անկեղծ և ճշմարիտ ոգի, տալիս են նորա մտքին և զգացմունքներին կանոնաւոր, խիստ, որոշ և չափազանց պարզ, չափազանց անմեղ ուղղութիւն... Եւ գիւղացին կրելով իւր մէջ բնութիւնից ստացած այդ հոգեկան բարիքները՝ ամենևին չի էլ կարծում՝ թէ ինչ բան է այդ, ամենևին չի էլ կարծում, որ ինքը, այդ խելճ, աղքատ և չնչին դեղջուկը,—իւր մէջ պահում է այդքան վսեմ, այդքան թանկագին հոգեկան զանձեր... Նորա բնաւորութեան անխարդախ պարզութիւնը, նորա մտաւոր և բարոյական ուժերի սաստիկ կանոնաւոր հետեողականութիւնը, նորա զգացմունքների աշխոյժ թարմութիւնը, որ զարմանալի ներդաշնակութեամբ միացած, ամրացած են նորա մէջ՝ բնութեան զօրեղ ուժերի ազդեցութեամբ—չառ նման են մի վալելքի բուսած և ծաղկած շուշանի, որ ինքն էլ չը գիտէ թէ՝ որքան չքեղ ու փարթամ են նորա ծաղիկները, որպիսի քաղցր անուշահոտութիւն են պարունակում նորա ծաղիկ իւրաքանչիւր թերթիկները: Այդ բոլորը առաջ են եկել ինքն ըստ ինքեան, ակամայ. առաջ են եկել, որով-

հետև նախախնամութեան անքննելի տնօրէնութիւնը ալլպէս է կամեցել... Եւ այս է պատճառը, որ գիւղացին ալնքան հաստատ, ալնքան ամուր և ուժեղ է իւր հոգեկան ընդարձակութիւնների մէջ, այս է պատճառը, որ մենք հեռուից նախելով գիւղացուն՝ զարմանում, հիանում ենք նորա բարոյական ուժի, կորովի վրայ: Այդ բարոյական ուժը, ալլ կորովը բնութեան սերմանած և բուսցրած պտուղն է, դորանում խառը չէ մարդու անկատար և թույլ ձևութի աշխատանքը: Ահա ալսպէս է հասկանում Գլ. Ուսպէնսկին գիւղացու բնաւորութեան առաջ գալը, ալսպէս է մեկնում նա գիւղացու բարոյական ուժի և տոկունութեան կազմակերպելը: Հողի իշխանութիւն ասելով՝ չը պէտք է հասկանալ միայն հողը, արտը... Ալստեղ միայն գլխաւոր դեր խաղացողը հողն է, որովհետև նա է կապում, ամրացնում գիւղացուն բնութեան հետ, նորա տարրերի և օրէնքների հետ: Հողը և երկրագործական պարապմունքը երես առ երես են գնում գիւղացուն բնութեան հետ. իոկ մնացած բոլոր փոփոխութիւնները խնքնատինքեան կատարում են՝ շատ զանազանակերպ հանգամանքներից ու պատճառներից զրդւած:

V

Ուրեմն պարզ է հողի, երկրագործական պարապմունքի նշանակութիւնը գիւղացու համար: Հողը հարկաւոր է գիւղացուն՝ ոչ միայն իբրև տնտեսական ֆակտոր, ալլև իբրև բարոյական, դաստիարակչական միջոց, իբրև մի «գպրոց», որտեղ սերնդաբար կրթւում, ազնւանում է իւր մտաւոր և բարոյական ուժը, կարողութիւնը: Եւ այս է պատճառը, որ ամեն տեղ և ամեն ժամանակ՝ գիւղացին ալնքան սերտ, իդէալական կապերով միացած է իւր ցանած, մշակած հողի հետ, որ նա երբէք չի համաձայնի բաժանել իւր հողից ու եթէ, զանազան ստիպող հանգամանքներից ձնչւած՝ բաժանելի էլ, — ալլ բաժանումը շատ ծանր կը լինի նրա համար... Եւ այդ ասում եմ, առհասարակ՝ ամեն երկրի գիւղացու համար, որովհետև հողի և գիւղացու մէջ եղած կապը ընդհանուր է, ամեն տեղի, ամեն ազգութեան համար: Գիւղացին ամեն տեղ գիւղացի է, հողի և առհասարակ բնութեան ազդեցութիւնը ամեն տեղ միևնույն է երկրագործի վերաբերութեամբ: Այս կարծիքի հետ համաձայն է և Ուսպէնսկին:

Եւ խնդրում եմ ընթերցողից չը շփոթել՝ գիւղացու բնաւորութիւնը, նորա ընդհանուր բարոյական կազմը (ХРАБСТВЕННЫЙ СЛАЗЪ), նորա ունեցած քաղաքական սովորութիւնների և գաղափարների հետ: Ֆրանսիացի երկրագործ — գիւղացին՝ իւր ընտանեկան, հասարակական սովորութիւններով ու գաղափարներով՝ ի հարկէ տարբերում է օր. հալ գիւղացուց: Բայց մեր խօսքը ալստեղ քաղափարների ու սովորութիւնների վրայ խօչէ. մեր խօսքը գիւղացու հոգեկան ուժի մասին է, նորա մտաւոր — բարոյական ամրութեան, անկեղծութեան, ներդաշնակութեան վրայ է: Այդ

կողմից՝ թէ ֆրանսիացի թէ գերմանացի, թէ ռուս, թէ հայ և թէ առհասարակ ամեն տեղացի, երկրագործ—գիւղացիներ թողորովին նման են իրար, նման են, որովհետեւ նրանք բոլորն էլ միևնույն պաշտանների, միևնույն ուժերի և օրէնքների ազդեցութեան տակ են դաստիարակւած. միևնույն հողը, ջուրը, օդը, անտառը, արևը, քամին, անձրևը՝ իրանց անփոփոխ ուժերով, չատկութիւններով ու երևութներով՝ չըջապատում են ամեն տեղի և ազգութեան պատկանող երկրագործին, նորա աշխատանքի ժամանակ, նորա կեանքի բոլոր հոգսերի և զբաղմունքների ժամանակ, իսկ դարձեալ կրկնում եւ՝ հողը լոկ նւթական ապրուստի համար չէ պէտք գիւղացուն, գիւղացին, որ ալեքան կապւած է իւր հողի հետ, լոկ տրեւտեսական հաշիւներով ու դատողութիւններով չէ առաջնորդւած ալդ բանում. իբրեւ ապացոյց, թէ որ աստիճան դժւար է գիւղացու համար բանակ հողից, և թէ որքան թանկ է նստում նորա վրայ ալդ բաժանումը. ես դարձեալ մատնացոյց եմ անում Գլ. Ուսպէնսկու բաղմաթիւ նկարագրութիւնների ու պատկերների վրայ, որոնց մէջ հիանալի ճշտութեամբ գուրու է բերւած ռուս գիւղացու բարոյական պատկերը հողից զուրս, երկրագործութեան ազդեցութիւնից հետո. Տեսնական սաստիկ նեղ հանգամանքները ստիպում են ռուս գիւղացուն թողնել հողը և զնալ քաղաք, գնալ մօտակալ գործարանը կամ երկաթուղու կայարանը գործ ճարելու, փող աշխատելու. Բիշ գժւարութիւններից լիտով ալդ բանը աջողում է գիւղացուն. Սկզբում կարծես թէ նա շատ բաւական է իւր գրութիւնից, փողի համեմատական առատութիւնը, կեանքի զանազանակերպութիւնը, ղեկորացիլի նման շուտ շուտ փոխող հանգամանքները... ալդ բոլորը մի առժամանակ զբաւում, չլացնում են գիւղացուն. Բալց նա շուտով է հիասթափւում ալդ բաներից. քաղաքային կեանքի ցեխը և ապականութիւնը սկսում է քիչ քիչ անտանելի դարձնել նորա համար նոր կեանքը, նա սրտանց էլի զառնում է գէպի գլւղ, էլի սկսում է մտաբերել իւր հողը, եղները, արոը և արօը. Այս նոր հանդամանքների մէջ՝ գիւղացին սկսում է որոնել իւր առաջնալ հոգեկան մաքրութիւնը, անարատութիւնը, իւր մտաւոր և բարոյական հարմոնիան. նա սկսում է տանջւել հոգեպէս, սկսում է տխրել, մտածել, երեակալել... Եւ ալդ նորա հոգեկան տանջանքները առաջ են գալիս միայն նորանից, որ գիւղացին իւր նոր կեանքի մէջ չի գտնում այն կենսական ընդհանուր ճշմարտութիւնը, այն անկեղծ և պարզ առաքինութիւնը, որով նա սնւել, դաստիարակւել մեծացել է, որի մէջ նա ամրացրել, կազդուրել է իւր մաքի և հողու բոլոր ուժերը. նոյն բանը կարելի է նշմարել և հայ գիւղացու մէջ՝ երբ նա թողնելով գիւղը, գալիս է Թիֆլիս, Բագու, Բաթում և այլ առևտրական կենդրոնները՝ փող գատելու «Հայ Գիւղացու սև օրը»... Այս խաւքերը դատարկ խօսքեր չեն. սոքա կենսական—ճակատագրական միտք ունեն հայ գիւղացու համար Ափսոս, որ այ. Սելիք-Շահնապարեանը իւր ալդ գեղեցիկ պատկերի մէջ

համարեա ուշադրութիւն չէ դարձրել Բագուս աշխատող պանդուխտ գիւղացիների հոգեկան աւելի խոր, աւելի ազնիւ փոթորիկների և կռիւների վրայ, Բագուս գործարանում աշխատող, մշակութիւն անող հազ գիւղացու թշուառութիւնը, նորա «սև օրը» առաջ է գալիս ոչ թէ նրանից, որ ալդ գիւղացիները հեռացած են իրանց ընտանիքից, իրանց բարեկամներից և աղղկաններից. ալդ զեռ ալնքան մեծ թշուառութիւն չէ: Գլխաւոր թշուառութիւնը նրանումն է, որ հազ գիւղացին. իւր պանդուխտութեան մէջ, իւր ալդ նոր կեանքում՝ կորցրել է իւր առաջաւ պարզ, առաքինի և անկեղծ կեանքի թելը, որ ալստեղ նա տանջւում է բարոյապէս, նա իւր խղճի, իւր բարոյական զգացմունքների կորուստն է ողբում... Այս կէտի վրայ պէտք է առանձին և խոր ուշադրութիւն դարձնել, ի հարկէ սղէտ և անուսում գիւղացին չը գիտէ արտապատել իւր ալդ հոգեկան անբաւականութիւնը՝ մեղ ամէնիս հասկանալի ձևով ու եղանակով, նա ինքն էլ չի հասկանում իսկապէս՝ թէ ինչ է իւր տխրութեան բուն պատճառը: Միայն նա զղում է, օրգանական կերպով զղում է, որ ալդ կեանքը, ալդ քաղաքային խառնակ, անկանոն, ապականւած կեանքը «անարդար», մոլորեցնող կեանք է, նորա կանոնները, սովորութիւնները և աղաթն երը «Աստուծոն հաճելի չեն»,—не по-божески,—ինչպէս ասում է Ուսպէնսկին: Խօսեցէք փորձի համար, Թիֆլիզի, Բագուսի, Լոստանդինայուտի և այլ գլխաւոր կենդրոնների աշխատաւոր մշտն հայրի հետ. հարցէք նրանց կեանքի, ալրուստի մասին,—ի զուք կը նկատէք, որ պանդուխտ գիւղացին մի քանի խօսքից լիտով՝ մտաբերեց իւր գիւղը, իւր երկրի «հողն աւ ջուրը», իւր մամլաքեաթը, իւր գութաւնը, իւր եղները, իւր կնոջը, զաւակներին և ալն և ալն, մէկ խօսքով գիւղի երկրագործական կեանքը՝ իւր բոլոր մանր ու խոշոր պարագաներով: Նա ամենից հետաքրքիրն ալն է, որ նա հաւասարաշափ սիրում է ամեն բան, ինչ որ գիւղին է վերաբերում, ինչ որ կապւած է երկրագործութեան հետ: Սիրելով հողը, երկրագործութիւնը՝ գիւղացին միննուն ժամանակ՝ ամենաքնքուշ զգացմունք է տածում և զէպի ալն բոլոր առարկաները, որոնք օգնում, նպաստում են նրան իւր աշխատանքի մէջ, որոնք մասնակցում են նորա ուրբ և ազնիւ գործին: Ո՛րքան անկեղծ և սրտաշարժ է գիւղացու սէրը՝ զէպի պառաւած ամակտար եղը, որ ալնպէս գեղեցիկ դուրս է բերւած «Մինասի եզը» վերնագրով հիանալի պատկերի մէջ (Տես «Մուրճ» № 1, 1891 թ.): Եթէ ընթերցողը չէ կարդացել՝ թող կարդա պ. Ա. Նամալեանի ալդ փոքրիկ պատմութիւնը. թող կարդա և համոզւի՝ որ հազ գիւղացին, իրաւ, գիտէ սիրել իւր աշխատանքը, գիտէ իդէալականացնել ալդ աշխատանքի հերոս՝ եղանը՝

Նա մատաղ եմ եղանը՝

Որ կը սլահի խիղանը.

Աստուած էլի ղըւաթ տալ՝

Մեր սնարար եղանը:

Ասպէս է գովում հալ գիւղացիին իւր նշանը, և ո՞վ կարող է կասկածել, որ աչդ խօսքերը արաւալաւում են գիւղացու ամենաջերմ և անկեղծ սիրով ղգացմունքը՝ գէպի իւր աշխատանքի ընկերը, ղէպի իւր ամենամօտ և հաւատարիմ բարեկամը... Ա. Նամալեանի գրած աչդ պատկերը—«Մինասի եզը» մի փոքրիկ, բաց թանկագին ական է մեր հալ գիւղացու կեանքին վերաբերեալ գրականութեան մէջ, մի աշնայիսի ական, որ իւր մէջ ցոլացնում է ամբողջ ժողովրդի, երկրագործ ժողովրդի՝ հողեկան աշխարհը, նորա բարոյական աղնիւ և անխարդախ կեանքի ճշմարիտ, իսկական գոյնը, աշնայէս, ինչպէս, որ փոքրիկ աղամանդը ցոլացնում է իւր մէջ ամբողջ արեգակի պատկերը: